

荷  
塘  
詩  
集

荷塘詩集卷十四

涇陽張五典敘百

董子祠

言入廣川路來尋董相祠望門先下馬陳酹試披  
帷學究天人得書難弟子知公孫心見嫉應早辨  
醇疵

麻姑城

漢武東封日麻姑並設壇如逢青鳥使定授紫金

丹瀛海飛塵絕砂珠擲米難學仙今有自笑指酒  
帘看

東方朔祠

高唐

東方有諫術自是漢賢良學本三冬足身聞八尺  
強奇言爭附著雜事半尋常慨慕閔人代遺祠近  
故鄉

鄒縣謁孟廟

喬木叅天榱桷新當階展拜肅心神三遷教自承  
賢母百里居還近聖人道覺齊梁休雜霸術驅楊

墨要歸醇七編舊誦遺書徧氣象巖巖望倍真

清江浦過李梧陽寓齋

瑞岡武進人

家藏書萬卷到處必相隨  
腹笥故無底門人多取  
資隱囊供倚座如意藉支頤  
訪舊清淮曲從新欲  
問奇

漳南春色好高館共論文  
山茗雨前試盆蘭風裏  
聞游蹤分嶺路離思屬江雲  
笑拭黃塵面乘閒且  
對君

胯下橋

低頭向少年一笑受其侮豈有無雙士而令與噲  
伍

感淮南王事

謁帝稱呼不自知劉郎枉託是洪支但將術法叅  
黃白門下何勞聘九師

家雞牢犬也昇仙昂首雲天得衆憐只道靈丹能  
換骨如何聲息尙依然

玉鈎斜

美人爲黃土魂猶戀故處桃李艷春風嫣然似解

語

三賢祠

歐蘇高座前漁洋好侍立當階有來客再拜一長揖

鐵簫歌爲如臯林李作

循人手捻有孔鐵廿四橋邊吹夜月爲問得來何處所阿誰指授調孤絕自稱少時愛音律豪竹哀絲意不屑仙真縹緲彈雲璈響入層霄劇清徹彩霞搖影鳳凰飛萬仞秦臺高嶽嶮劉郎幻妙度新

曲宮嬪讀賦紛成列扁舟載酒泛黃州幽壑潛蛟  
倏出沒望古脉脉自感通心神追慕豈有訣游踪  
偶爾到漁陽繞塞冰河沙岸裂老翁拾簫鬻村市  
傾囊相易一言決試之不須蠟貫底澄濁短長適  
中節行筇藏弄隨書劍興至臨風奏一闕九龍山  
人王孟端竹石妙用墨汁潑簫聲旅夜隔牆聞酬  
以簫材叩鄰闔此夕歡逢既邂逅投報未知消底  
物挹袂便與登朱樓銀盤魚美金樽凸

瓜洲送家文石之任連平

吾兄曠達人亦惜他鄉別情分兼友生老懷多苑  
結歷官當北燕遠道涉南粵盤山舊迎 黎淑陽  
近依 闕攜家潞河船迴首薊邱月况復陟前岡  
江亭兩分轍岸樹連枝柯旅雁成行列矢心畏簡  
書無爲重淒切計程度庾嶺應及中和節眠食準  
風土裘葛視寒熱吾家老刺史遷轉領鹽鐵先伯  
運使  
初任此州到日九連深遺事問吏卒花穠官舍靜俗淳  
省讖決兒書課早夜手筆試一掣乘間入羅浮璇  
房叩棖闌倘逢古仙真好乞養生訣引年挂冠服

潯陽航輕振尋我自白下燈明酒樽凸未嫌心境  
雜丹方定可說欸欸謀歸口帶笑示佩玦

虎邱值呂蘭浦卽別

公滋新安人  
舊令介休

花市茶亭取次行春風握手認分明已聞彭澤歸  
陶令偶到名山遇向平曲磴苔深雙屐軟前溪柳  
暗一舟橫挽留無計空延竚雲水山來是性情

題蔣薌舟藤谿小築圖二首

步屨藤溪上東風繫纜初正逢春雨霽便造故人  
居石徑千尋木香芸數架書十年重會面抵掌笑

軒渠

憶作瀟湘別魚書已屢傳容顏駐何藥意興倍當年  
畫卷開巾襲風爐起茗烟從今來往熟門柳野  
橋邊

胡鑿泉太守索題琴鶴松菊小照

畫手龍眠李伯時收將遺事筆多姿高齋清况三

衢老令節芳醪五柳詩

公麟爲趙景仁寫琴鶴圖又寫東籬采菊圖東坡並

有自昔似聞矜格調而今好得共襟期丹青若許  
參吾意補桂堂前綠滿墀

蘇州郡署雙桂相傳爲前明况公手植左一株

無存歷諸太守旋種旋僵  
鑿泉補得客以名其堂

虎山橋

爲有看花興衝寒一懼來推篷風雪裏半樹剩殘  
梅

師子林

爲地祇尋丈巖壑山無數雲林老畫師餘事兼工  
塑

贈林鐵簫

貌似枯槎鬢點霜青衫襟袖太郎當獨操裂石穿

雲技肯踏織歌艷舞塲筆札風神出義獻吟篇體  
格有齊梁與君便好叅名理繞指尋看百鍊鋼

二月二十五日爲先君忌辰攜菊男至靈巖

寺禮佛因成一律

手寫經旛對法流夢中先兆見來不故知兜率爲

歸處却倚靈巖是舊游

先君以壬辰南游  
住吳門者兩闕月

滿目雲

飛失鄉路幾時鶴語到城樓名香除日湘西寺還

憶寒江曉泊舟

癸卯歲除借菊男過嶽麓  
爲先君禮佛有詩紀之

沈雲椒少司馬示蘭韻齋詩集並索拙刻賦

荅一首

笠亭徧數浙西詩

朱進士

妙語東陽畧遣知此日頓

教躔量滿向來原是豹斑窺垂紳清曉雲均上落  
木高秋野望時臺閣山林歸一手對慙伎倆故諗  
癡

過程望川刺史

時三子同  
業入學

是誰游宦地早夜盡書聲兒比河東薛家原洛下  
程鼎彝分位置花木亂縱橫得畫因招客深心許

細評

將之松江

秋風昨夜到來初料理扁舟恣所如顧我季鷹堪  
絕倒宦游還說爲鱸魚

金山縣

縣城臨大海官舍寄洙涇眼界嗟寒窘心期入渺  
冥蓬萊欣有託

前令杜文輝嘗任蓬萊

澎島舊曾經便約攜

琴去魚龍近許聽

過葛翹圃明府承恩寺寓見紅梅數盆是新

覓得者因調之

暮隨風雪渡江來向曉禪居霽色開忘却鈴轅趨  
謁府先從花市走尋梅奚奴指點移歸櫂幕客招  
呼對酒盃共訝稚川何伎倆丹砂手擲又成堆

呈袁丈簡齋二首

瘧爲君子病驅遣得新方自誦驚人句誰勞解藥  
囊江城朝雨過山墅午風涼閒坐乘佳興兒書課  
幾章

秋初還作熱應緩上籃輿嬰鏢雖忘倦追陪且暫  
疎蟬聲落高樹荷蓋偃清渠準擬通談笑親來問

起居

次韻答簡齋二首

山前別業半依城，路僻林深鳥不驚。  
欹枕窻間聞澗落，杖藜脚底看雲生。  
榻因好客終朝設，身自辭官卅載輕。  
數與接談多近道，寸莛也許發鐘聲。  
當初叶卜此移家，陌上圖書載幾車。  
作傳自緣彭澤柳，謀生人識故侯瓜。  
招尋憐得心相印，篇什看來眼欲華。  
經月匆匆疎問訊，紛然案牘正如麻。

和簡齋示子之作

不步言 卷一  
真有讀書種還吟賁子詩老翁心望切初學路防  
岐蜜取千花得鍼憑一杵爲聰明早成就應好慰  
期頤

疊韻訓簡齋

寓公老傍石頭城早有文章海內驚白髮千莖如  
雪淨洪談四座尙風生暄妍檻外花光麗陰翳簷  
端竹影輕一語堪憑爲頌禱闌亭世世讀書聲  
論交原是舊通家門外來停問字車欲把藏書倒  
筐皮有煩留客具茶瓜勞生難說心無雜廢學空

嗟鬢已華終擬相從聞道要因依笑得比蓬麻

三疊韻答簡齋

笑我匆匆唱渭城斷無奇語使人驚安排畧可追  
強韻獎借頻勞向後生碧水潭空秋影淨元蟬蛻  
解晚風輕眼前指點叅名理領取瀉山棒喝聲  
义手詩傳大作家追蹤誰敢駕飛車神仙自擲成  
丹米兒女空雕乞巧瓜偏以年高交李泌何堪才  
冗對張華朝來沾酒思相覓雨脚森森又似麻

東張雪鴻乞畫

君別秋槎有幾秋

文安紀觀察為君舊交

南來送我跨行騶

丁寧閒步

一作過

烏衣巷問訊今時顧虎頭密識深

沉耽白酒中年雅淡志丹邱故應出手詩清絕格  
極無聲足卧游

盧抱經學士示贈公白雲詩集禽言十二有  
關風教讀而倍和之

提葫蘆前村有酒行可沽客飲莫嫌酒味薄本鄉  
秫地多瘠枯

提葫蘆誰饑田間婦與姑力作午暫歇樹陰醜酒

坐酣呼

葉貴了葉貴了蠶生滿箔羅蠶飢可柰何典却釵  
環供蠶食米價平來贖應得

葉貴了蠶未老絲客攜貲來遠道支取客貲指新  
絲斤兩那能計多少

麥飯熟開甌香滿屋山家不解炊梁肉夏餐麥飯  
冬豆粥

麥飯熟麥飯熟來捧滿掬阿儂生長魚稻鄉食麥  
仍然不果腹

不如歸去故國田園料如故如故自可樂卽不如  
故亦關數人生須求歸宿處

不如歸去半生奔波在岐路故鄉迴首復添愁知  
交老盡歸何處

泥滑滑滑倒御人車脫轄行行苦泥深深處未到  
脚速拔

泥滑滑三馬注坡一馬蹉蹉馬倍凌競兩馬回顧  
作悲鳴相憐意殊厚同槽亦已久

姑惡姑惡生性阿姑尙儉約富室女兒新嫁來鹽

米丁寧防鼠雀

姑惡姑惡姑不惡姑憐新婦好織作婦得姑憐勿  
嬌慵長似新來姑自樂

布穀布穀作聲不住苦催促老農歲歲聽已熟秧  
針雨前策黃犢

布穀布穀百穀種成厚積蓄半以自食半公租長  
官爭忍施鞭扑

得過且過夜餐已罷便酣卧計較身事及未來多  
應展轉無一可

得過且過貪不知足計終左惟有力學人此心戒  
頽情難說得過且過

脫却破袴新袴著來寒可禦重翻破袴仔細看山  
妻補綴亦已屢

脫却破袴寒溪水漲撩衣渡癯病既全除任從冷  
煖都無怖

春去也今春已去有來者東風自年年花前引杯  
斝

春去也春去不可留青鬢忽忽換白頭光陰迅似

箭課兒早夜加書籌

蠶絲一百箔堂屋看磊落  
繅絲已有期兒食蠶蛹  
應大噓

蠶絲一百箔蠶婦辛勞瘦如削  
鬻市完官租囑咐  
良人莫奕博

拆鳥窠兒曬雪晴真一快  
養羞憐汝苦無多休教  
拋撒遺纖芥

拆鳥窠兒曬連朝風雨大不趁  
新晴將何待戶牖  
好綢繆仍避太歲之所在

四疊韻訓簡齋

年來領簿在嚴城每顧塵蹤暗自驚琴上徽絃都  
未具指端荆棘欲叢生窺公自是憐才甚於我翻  
疑許可輕小力時教走風雨又聽剝啄扣門聲

詩筆兼長是大家藝林看作指南車好餘風味如  
餐蔗清徹冰心勝鎮瓜杜老自言交有道李生豈  
信吏而華平時學問原疎畧縷析工夫愧績麻

五疊韻呈簡齋

少年曾到秣陵城去後逢人問自驚異地都知有

中隱爲儒可不謁先生游踪萬里衰仍健筆力千  
鈞重亦輕好是宿心酬已得山林杳冥識琴聲  
郎君玉立可承家好讀藏書三十車畫竹胸存千  
畝竹得瓜手種滿畦瓜分陰寸晷心應惜大布粗  
繪氣自華學道無成還笑我空投名刺逐紛麻

六疊韻呈簡齋

夜來風雨過江城鵲噪晴簷曉夢驚得作清談就  
詩老未將習氣脫書生游廊曲逐花欄轉卧閣低  
垂葦箔輕童子亦知深愛客淪茶聽取汲泉聲

朝暉山郭有千家望見門閭駐小車奇問子雲忘  
載酒吟聯摩詰記鋤瓜池荷翻露猶擎蓋籬菊迎  
霜欲作華聞說高齋逢客去每招隣叟話桑麻

過隨園

游跡隨園年例在先於重五後中秋從知殘暑無  
他詣得就清談爲久留花影離離園座席松聲謾  
謾滿山樓攜筇相送斜陽外長嘯迴聽出嶺頭

訓毛俟園學博

詩是君家事相逢出手難吟癡餘副墨點筆爲研

丹門巷秋溪繞松篁晚吹寒閒中得乘興就語坐  
更闌

送召佩弟旋里二首

榻對南齋夜夜同鄉心陡覺起秋風重來不作經  
年約準備椒盤共阿戎  
到日冬初同樹阡城東祭掃曉霜天檠匱未致南  
中物教戒仍然秉昔年

寄芸蕙荃三姪

高秋曙色向窻開乾鵲簷前噪幾迴正倚畫欄凝

目望適傳試帖過江來文宗容易堅清操華選如  
何副茂才門戶好留期汝輩藏家賸有舊書堆

過袁香亭太守寓園

秣陵卜築意何如地接隨園尺咫餘宦跡生平原  
澗別老年兄弟肯離居乞諧病假身將隱疑受仙  
方鬢未疎不比彭城松竹裏卯君方憶對床初

喜鄒敦實過訪卽送歸清泉

錫名

江頭來繫孝廉船名刺驚看起躍然好得杯盤留  
一醉從前硯席共三年士流誰識鄉前輩牧豎平

侵有道阡君高祖諱統魯前明乙科嘗乞師廣南  
驅逐流寇事載郡志近有某解元者祖  
一土豪占其塋地構訟經年余爲致書李開軒明府禁之攜手臨風增感喟魚  
書丞水幾時傳

寄問羅徽五鴻臚陳體齋余存吾兩太史楊  
雲亭大尹段繡男張悅亭陳芷閻三學博  
余衛生選拔盛拾雲陳蘭莊兩茂才傅豫  
峯布衣感憶朱幼芝司馬一首

海內多朋好寧惟楚有材羈棲經歲久次第託交  
來遠道江漫渺高天鴈往迴應傳爲朱季會葬鹿

山隈

次韻荅香亭

畫格分明仿六如，吮毫對客笑談餘。  
應辭海國風濤路，來就江干水竹居。  
觸熱經時愁襪襪，見心好是諒龕疎。  
拍歌燕市同酣酒，未是尋常識面初。

三疊韻荅香亭

歸去來兮意灑如，圖書重理蠹殘餘。  
絕無寶玉看垂橐，豈有龜蓍解卜居。  
路過橫溪橋宛轉，煙開古巷樹森疎。  
看君才力猶強健，誰許徜徉竟遂初。

送江寧吳明府移任高郵

君才武庫自多儲，用急新看奉急符。  
官路孟城原置驛，人家邵埭總瀕湖。  
長風騏驎駸駸去，舊日鸚鵡兩俱揮。  
手離亭還顧我，幾迴臨發又踟蹰。

客言隱仙菴有桂二株，特古約中秋日同往。

先戲東菴主

佛廬老桂種何年，好是看花月正圓。  
滿院流香本無隱，兩枝得氣便稱仙。

漁洋詩兩枝仙桂氣凌雲

誰因露泣爭

高嶺自任風飄入，遠天篩辣似聞新。  
釀酒社中陶

令谷偏憐

龍潭驛

把炬栖霞上筍輿江鄉蹊路半沮洳港煙林雨開  
初日水驛山郵集此墟偶共養廝圖憇息久從奔  
走送居諸白雲影外華陽洞定有高一作人覓道  
書

舟過金山下

身到金焦擬借居留題記取廿年餘官程登眺都  
無暇游跡消搖不似初雨足平添秋漲澗天長寒

浸曉星疎坐輪老衲山牕下清夢迴時聽粥魚

東袁簡翁

出游有例自年年盼過中秋好相

入聲

延里巷聚觀

喧婦孺屐筇指說走神仙丹楓鍾阜金庭外畫舫  
秦淮石岸邊且約從容爲後會朝來素榻已張絃

四疊韻問香亭病

名場去就各羈如進退偏看綽有餘敢向良時說  
高卧且據真性賦閒居泔泔已料頭風愈碌碌終  
慙腳跡疎滿院木犀香欲散籬花又是得霜初

贈內

茂陵人在廣陵居渡口  
迎來爲侍書泥拔金釵  
充聘直能教我勝馬相如

綺窻擁髻對秋燈  
吳語嬌癡問小磨  
專夜已聞親許予  
君家家世本延陵

寄崇明山長吳士仁中翰

毅杭州人  
舊任大同

塞鴻雪際兩分飛  
尺素難通風便稀  
近況從人聞歷歷  
離懷垂老覺依依  
穩乘湖舫凌滄海  
共識經師出紫薇  
可憶高秋文字飲  
雲中官閣坐晴暉

和簡齋先生重赴泮宮詩三首

早歲曾經到石渠爲嫌腰重却金魚如何拾芥看

青紫偏憶襴衣著體初

青青衫色淨無華妙相猶如淡竹花

吾鄉韓公言原嘗言襴衣

雅製如淡竹作花也

一自中年遂初服可還披曳卧煙霞

卷帙增新紀歲時偶談甲子榻雙眉近賢應比黃

崑圃重賦瓊林與宴詩

北平黃公叔琳有重宴鹿鳴瓊林諸詩

玉界尺

并引

隨園故物也爲偷兒攫去展轉從陶生渙悅

覓售其黨欲藉爲傾軋生父子計生覺之徑  
攜以還園主且賦小詩僕多生之敏幸尺之  
得所歸而有愧於心因爲走筆

分明失却睡時珠難說翻飛羽化孟坡老仇池纔  
尺寸思公筆格本珊瑚無能止暴慚涼德還爲移  
山笑大愚希代寶歸從閒道有心人許是吾徒

重陽送盆菊與袁春圃方伯枉詩言謝依韻

奉荅

粲粲黃花作色鮮輕霜染出似相憐移從深谷重

巖畔爲致修廊曲檻前蜀港潮通秋漲水鍾山雲  
豁曉晴天魏公此日乘吟興高節分明著暮年

送吳豐山之巢縣

鎮嘉興人以卓異任辰州  
郡丞罷職掌教巢湖書院

去傍巢湖主講堂田園迴首惜全荒舊來泛宅三  
湘遠夢裏還鄉一水長注考上官空薦剡有生孤  
癖著以文章贈行侍得新詩帙長物堆書正滿床

豐山將行語次及芷江舊事且命子泰階從  
學於僕賦荅之

巫州承乏似前因舊令端爲十驛貧債負憐從繁

費得循良聽到法思真天涯浪跡如漂梗眼底佳  
兒足荷薪留住三冬安所補幕中盡是讀書人

與霖仙郡丞夜話卽送之潤州

自將恬退養天和對景無端感喟多急來求子應  
非偶老不如人可柰何揚州醉倒金盤露白下聽  
殘玉樹歌輸與故交緣底事秋江星月涉長波

龍江關造浮橋因東蕭鍊師

石頭城畔作重游七里全空舊日洲淘浪沙頽江  
口近望洋客待野航浮霜天龍見思鄴水鐵索鯨

聯仿惠州自哂濟川無遠畧一橋還就衛人謀

送盧抱經學士歸杭州

聲華八采冠詞臣講席名山道脈真晉楚之從吾

遜見

學士嘗督學  
山西湖南

彬彬識是舊門人

幾見甄陶有棄材公超市在大江隈心憐溷跡風  
塵客也許乘閒問字來

新來脩禮繫烏羊竹筒匆匆薄具粧稱意向平婚

嫁了便攜快壻上歸航

時與孫  
郎同行

夕陽霜樹鬱離亭迴首遙峯入紫青桃李春風重

有約擬將侍座聽談經

雪中過隨園

野梅開徧小橋頭  
杉竹凌寒碧更幽  
臥掩雙扉逢洛令  
與闌一擢笑王猷  
得從問字分形似  
不用翻書費校讎  
便擬遲留到深夜  
願憑暝坐復迴眸

退谷弟至旋歸

盼汝南來怯汝來  
燈前促坐一樽開  
對牀且叟談天口  
經歲長登避債臺  
我輩謀生疎作計  
壯心依舊幸無摧  
卸裝便整歸裝發  
絕似佯狂老萬回

蕪湖晤家仲模兄

丙午三月

廿載離情夢想間，遠來一握暫開顏。  
雨前恰到仙芝茗，檻外平臨赤鑄山。  
慣向風塵隨燕雀，枉稱詞賦動江關。  
對床且作通宵話，往日升沉付等閒。

聞趙彭籤鄉舉

故人梅堉文學次子

鋤經堂裏客遺得，手抄書伯氏恩斯。  
極孤兒學有餘期，爲天下士早上計借車。

壽考勤稽古，諸儒集石渠。

荷塘詩集卷十五

涇陽張五典敘百

鄒若泉處士爲治有弟寫真老僕婦見之謂  
是余三十時小照因書左方

子弟肖父兄在貌尤在神肥瘦容有別黔皙非所  
論季也相豐下降生以庚辰齒長二十六提抱夜  
連晨不知歲荏苒笑而著冠巾同桁拽我衣比肩  
齊我身從學攜書束上黨漳水濱官齋多閒暇課

讀日數巡文筆粲如花誇張示衆賓紈袴絕習氣  
性格本來馴遇事能警敏歷試藉艱辛客秋逢大  
比西笑故向秦失解重涉遠江左省慈親來及奉  
版輿卮酒佐兼珍便和獻壽詞篋塤迭奏頻何期  
厨下嫗公然解說新諷誦不去口愛才決必伸恐  
其近於諛遣令勿復陳賞詩家有例亦合圖麒麟  
還憶蘇玉局自題舊寫真弟對老兄語超妙識軼  
倫我乏駐顏藥得此覺長春三毫添頰上或仍俟

畫人

送楊雨梧太守之武昌

防河經歲矢冰競去擁雙旌意興增治譜家傳少

司馬

君曾大父以齋先生

才名早竝大中丞

令季雨松撫軍

從知循

績加三楚熟領互談入上乘迴望揚州舊煙月高

樓黃鶴到時登

君嘗宰甘泉

送竹軒家五弟之任袁州

武陵握別五年餘行篋多藏寄到書已向袁江馳

鯉素何期鍾臯問官居西東宦轍原無定兄弟關

情只似初隣郡分符有弱季

時十三弟暎躡守南安

應同閩

海老相於

竹軒先公觀察並先伯  
觀察舊領福漳兩郡

送酒與楊處士羲山

培卽問疾

竹石榭榭天籟閣真行歷落擬山園屢煩投我歸  
藏弄暇想從君事討論陰翳松筠紆蘚徑凍僵鳥  
雀閉蓬門暖寒并取醫消渴清耐平分若下罇

送袁春圃方伯還嘉興

維公戀關心解組終葵向示疾卧石城含情理  
歸榜通籍卅載餘注考每上上峻標蘊冲襟身榮  
占心相珥毫列清班稜稜著風望還轉領外臺歷

歷治有狀王事勞馳驅南閩北亭障中間任江左  
復陂叶謠唱旣獲龍節秉還看隼旗颺引咎甘贈  
蹠旁觀代惆悵鴟鵬息六月艤艦歌疊浪驥足嗟  
暫羈烏私痛難償平生存永慕曾不逮祿養花甲  
亦已周先靈仍纏帳五夜魂夢驚雙眼淚波漲寓  
居久鬱鬱隱憂積恨恨若不及斯時何待營禮葬  
大事應須畢餘俸猶可仗緣岸指梅里鴛湖擢容  
漾湖灘趁樵風會稽山幽曠負土擷麻衣拜跪扶  
竹杖有弟同苦幽二子助七鬯獬虎錫青珉松楸

圍碧嶂名阡揭新表守戶授豐餉宣力矢悃誠邇  
隆敢高尚趨朝偶稽延還鄉非閒放報國故有  
日齒暮而才壯行矣莫躊躇

仁君山藪量

與蔡呂橋進士夜話

曾源成  
都人

人生性所耽初不論閒忙結習既難除同好况相

將昨者送使節

李雲巖制君  
移任四川

渡江已夕陽驛館逢

邵子

江浦邵無  
恙明府

新詩互評量喔喔雞三唱劇談樂

未央盥漱揖道左省却倒衣裳今來與蜀客邂逅

冠蓋場衆中覺小異語妙喜清狂招邀過縣齋爐  
熱沉水香手揮散羣胥便請探奚囊刻燭歌復就

明州派自強字法欲逼古家風漢議郎徐問來何

自游梁到武昌借籌中丞幕

畢秋帆  
撫軍

贊畫紫薇堂

陳望之  
方伯

扁舟東乘興煙花看維揚蠟屐躡金焦引

領試望鄉大篇和坡公千言灑洋洋期約赴地主

寒香話對床

時王夢樓  
太守歸自漢陽

黔西老開府賓從皆賢

良舊曾領記室從軍雪山旁重聞入劔關取別一

舉觴胡不徑借去男兒志四方僕也混風塵結交

多老蒼留之數晨夕當爲傾皮筐太守桑梓情

宋龍

溪郡伯

癖亦主詞章僚吏抱經術寶愛勝琳琅此事

近稀有碌碌競趨蹌有嗤鼻脛短憑教文燄長折  
簡向江浦促令好儗裝合並秦淮曲霜月泛輕航

寄邵大無恙

餉我以越州經歲之名酒饋我以稽山鬪土之冬  
筍一力負擔攜詩筒小印緘滕劇嚴緊屬我雌黃  
心事真紙尾丁寧休示人燒笱溫酒叅詩語便與  
粘壁紗籠塵客來指點其流觀氣含冰雪有波瀾

警猶置身山陰道巖壑雲霞令人應接難汝南才

子家岷峨

謂蔡  
呂橋

萬里橋邊放畫舸目空江左少推

服獨稱今世有東坡未免溢美難作準擬以竹垞  
庶幾允期君文譙石頭城當筵擊鉢賭警敏還憑  
清貺充飲儲蜀蓋巢菜知何如我雖止酒藏酒富  
坐看一斗一石同澆腹中書

贈成嘯厓

多君貴公子風味一書生欄檻霜筠密軒窻蠟紙  
明三巡持酒誠五字屹詩城近衍竹枝曲深憐又

手成

紅蘭行

并敘

石城女子陳淑蘭適鄧生宗洛生詩才不及  
婦遠甚而伉儷之情固篤也室有蘭春作花  
色紅唱和紀異且徵詩成帙生夜出失足墮  
水死淑蘭遂投繯家人救而甦者至再曰吾  
過矣爲夫立嗣卜葬詒侍婢扇戶殉焉袁存  
齋太史爲之傳僕因成詩

不分世間閒草木於人多事管興衰蘭兮蘭兮本

素質春艷忽爭桃杏姿料峭寒風送飛雨飄零疑  
奏山香舞水雲瀾渺天黃昏泉路一條獨識取願  
諧同穴夫有子貞到妾心埋不死應化雪色荷駢  
花或作青柯樹連理

幕過隨園值主人宴蔡呂橋進士座客爲周  
玉犀明經方甫驂上舍陶怡雲王西林兩  
茂才卽席成詩

縣官情性儉款客無佳設喜聞老寓公文謙在山  
岳珍錯備水陸涎垂思一啜公事乍了却鞭馬踏

殘雪覓路向黃昏竹籬穿曲折樓影望突兀燈火  
漏墻缺笑語落高颺聲音辨幾徹從下作暹呼酒  
巡爲暫輟執手駭相問不速來何決踪跡出處分  
真契磁石鐵舊好並新知臭味奚差別結交年忘  
贊因言心見茂強韻各能赴雅謔自有節憑仗主  
詩盟妙得通禪悅還叩青城人鄉味試評說釀何  
似耶筒鱗可類丙穴前宵杞菊厨原不嫌薄劣後  
會邀諸君稍稍加豐潔杯槃已狼藉酣歌趁耳熱  
欲喚羌笛至月中吹數闕

明日蔡呂橋進士和詩至依前韻答之卽送  
游越

世俗諸禮數豈爲我輩設却教塵壒中蹤跡置張  
呂滋味多苦辣攢眉已屢啜孤懷向誰論清冷抱  
冰雪歷久氣欲挫砥悍志不折落落嗟寡合嶢嶢  
防易缺飽看翻覆手失望始終徹學以名塲廢耕  
從谷口輟交游徧海內何曾一見決千金倘輕諾  
六州枉聚鐵著眼務分明未是強區別試玉須火  
足視月覺星茂吾子負豐才矯矯尙風節所惜邊

方士難獲衆心悅真賞非假借  
敢咨達人說挽留  
作小住遠送尋禹穴到處有逢迎  
贖問受薄劣去  
矣縱嬉遨勗哉完皓潔信得本性堅  
肯倚炙手熱  
披肝爲知音臨風驪唱闕

贈歌者江華周瑄

一曲清歌舊浣紗  
燈前玉面看無瑕  
不須自怯風流墜  
預向安陵說落華

纖手勞將玉棧擎  
緩歌便作繞梁聲  
翩翩小史如  
初日醉煞江東老步兵

送王石長郡丞之任太湖

賜第潭潭集福堂

二十四福堂爲文莊公奉御書處

別來僂指十

三霜喜君伯仲聯鷓序  
跋我雲霄看鴈行  
洞壑好歸新領管家鬪  
近載舊縹緗石公山畔春相問  
千頃煙波一小航

送胡鹿門秀才還汝陽

殿襄座師衣庵侍御長子

風雪歲云暮如何送子歸  
倚閭凝

一作穿

望眼除夕

拜慈幃雖有山川阻  
幾曾魚雁稀  
遺書讀能徧應  
可答春暉

陪宋龍谿太守行春奉簡一首

浣花溪畔看遨頭，萬里橋東自放舟。有脚陽春今

宋璟作亭佳麗古昇州。

佳麗亭爲宋知建康軍馬亮所建

青旂色

煥晨光徹畫鼓聲喧雨點稠。不把雙鳧嫌脛短，如龍五馬許同游。

題蔡呂橋江樓喚鶴圖二首

黃鶴樓前月滿墀，登登函道屐聲遲。上頭也爲題崔顥長嘯臨風不咏詩。

乘興沿江作戲游，客蹤萬里自睂州。故應重見橫

飛鶴翹掠黃泥坂下舟

宋曹武惠王祠

從古難逢節制師濟陽異代尙專祠  
載書蜀道迴軍日示疾江干誓將辭  
共說名門出賢后還推內舉有佳兒  
廟廷典禮終炎世簫鼓村翁走歲時

明倪文正祠

南都王氣未全銷  
斐几留題酌酒瓢  
龍躍鼎湖歸遠馭  
鵑啼燕市徹殘宵  
高明欄檻衣雲閣  
咫尺園陵白下橋  
合著石齋陪座右  
倪黃署榜照丹霄

喜鎮雄收家弟濟菴至

免恨江流不向西

白香山得行簡書有詩云欲寄兩行迎汝淚長江不肯向西流

書來旋看手同攜放舟安穩經巫峽奉使迢遙自

碧鷄族譜有稽通蜀雍人生留跡似鴻泥聯床聽

徹瀟湘雨舊送行旌過五溪

癸卯夏濟菴自衡陽右遷晉寧

送蔡孺嘉刺史還滁州

與君互聞名見面心亦見所惜分疆域差喜通郵

傳汾晉舊知好爲說囊穎見皖上髯司馬

葉湘佩同年

推許到聽斷又誰識至處纔指劍百鍊相類何軒

特精心細一線伉直吾性格泥古信書卷指畫上  
官前屈撓終不變疾惡太嚴切豪強枉矜炫事過  
輒相忘消釋如露電針砭出苦口反覆由深眷生  
平廣交游悃欵允獨擅歲初風峭寒凍雨逐輕霰  
僕御戒行李艤舟在遙岸挽留計莫遂良箴乞手  
繕擘箋雜行草燈地重呵硯諦視作何語默寫霍  
光傳再拜藏什襲明珠詎投暗從今定服膺庶藉  
逃斥譴滁陽山水佳春晴好遊醺到日自閒暇吏  
民化行徧十豚和希真三隱訪逸彥懷人覺情多

引領極芳甸急遞一宿程未勞空作念荇溪注大江  
鯉素或乘便

送陳岸亭同年還歙縣

無能留爲十日飲且得拚作三日談扁舟振舵桃  
葉渡去意莫遮興倍酣翠袖雲鬟凭畫欄清眸電  
閃頻迴看因緣笑比桑下宿歸程遙指浮邱壇生  
平學道知有得箕踞抵掌豁胸臆此中壘礙本來  
空被誚流連非所恤若教長官輟飛檄底用匆匆  
接朝浙相從妙證雪山禪廓然竹枝擊瓦礫羣峯

雲海出復沒結想青鞵縛布襪何當拔脚離風塵  
讀書分占蒼巖窟

同宋龍溪太守陪長白書制府游棲霞卽送

入觀

白下山繞郭一壑蔚深秀寺從蕭齊創跡本僧紹  
舊翠華巡南邦眷言登臨又制節向關廷

顧問待陳奏齋宿起中宵遠來戴辰宿路隅駐騎  
從守令同盟漱頂禮蓮花龕心祝

聖人壽步趨過行宮儼若雲日就濟勝藉筍輿

流覽周巖岫置身在圖畫天工妙結構山閣紫峯  
隈斑斕蘚倚繡楓柏樹排空想及秋陰厚雲片蒼  
色石巖疊堆衆皺除却灑密雪無計直憐漏小憇  
試茶亭野樵供薪禱望裏般若臺松響雜梵呪深  
池半畝餘匝匝青珉甃老衲爲指說湧出非奔湊  
神祇知一駕臨移潭到靈鷲湛應世道昌占叶年  
穀茂似聞功德水能滿無底竇乞請補山志掩古  
用信後卽此堪入告筆錄貯懷袖斷麓夕陽明下

見雙隻墩

曉過丹徒不及訪王夢樓侍讀用韻奉柬

京口江山第一奇風流占斷有茅茨右軍瀟灑今猶昔摩詰清敦畫入詩載酒已虛聯騎約

與簡齊約同行

不披雲仍結廿年思歸程沿月來通欵檀版銀燈出雪兒

### 惠山泉

除却康王谷應推第一泉江湖幾時退山髓未風堅擬得銷三伏來從借數椽竹爐閒淪茗支坐試

### 叅禪

晤胡鑒泉太守

關情連札託輕郵，詣謝還勞爲我謀。料得孫陽憐

坂驥，難逢管輅卜隣牛。

上元舊有盜捕之徒，無驗據。

黃堂推分

存高義，絳帳垂風感昔遊。

尊叔衣巷座師

評作榜花期許

厚爾時原說富春秋

同金方雪觀察胡鑒泉太守汪研菴司馬游

鄧尉二首

吳門此行好結伴，愜山心春雨逢初霽。梅花正滿  
林輕輿扶磴曲，柔櫓入源深。拂蘚題名處，遊踪後

可尋

薄暮尋歸路炬分漁火來林梢星的巖湖尾水滌  
洄指點移煙艇清狂對酒杯應知同有夢還繞白  
雲隈

方雪觀察與律林上人京師有舊因以奉贈  
拔脚沙塵頰洞間肯隨車馬老丹顏前身定是梅  
花衲挂杖來尋鄧尉山存有鄉音通姓氏料應詩  
界脫清孱大儒原自通禪理方外猶堪作往還

簡鎮江汪稼門太守

晉陽宦跡判升沉羞說南亭舊所臨  
余與公先後令武鄉作  
吏爲生敢強項惟公憐我似同心  
春風几案披新帙霽色軒窗俯遠林  
形分俱忘情分好桃花潭水比原深

王夢樓侍讀席上三首

風懷閒暢老詩人曲律重翻寄興新  
六扇屏山諸婉嬾南徐勝事紀來真

舞衫都著水沉薰眸子秋波鬢綠雲  
玉面不曾施粉墨孰爲蒼鵠孰參軍

歌喉宛轉赴笙簧空盡油腔舊教坊笑比熙寧張  
子野初從京口見兜娘

王懋園方伯挽詞三首

茂才登漢選循績播江郊謙抑宜高位貧窮坐廣  
交損財周戚里禮士及衡茅末吏原疎放偏叨雅  
量包

官舍因名邸中山孟玆靈瓊樓千尺迥玉座一燈  
青元日躬修謁歸期指有憑維神契明哲抗手入  
雲扃

公以戊申元旦祀徐武寧王扶  
乩有保身明哲不如歸之語

憂思公私集形神日就疋沉吟移卧榻加減誤醫  
方有子皆初齒無家在故鄉祖筵隨簿鹵直欲達  
餘杭

答胡雙湖太守索拙刻卽送歸廬江

蘇州太守最能詩到老通懷於我私好手深沉多  
忍俊粗才疎放慣誇癡難期入選藏吟篋聊可消  
閒佐酒卮小几篷窻憑檢點歸帆春霽向黃陂

贈墨禪上人

心跡共雲水歸來亦有期江搖一峯影松偃六朝

枝古紙多藏帖晴軒自檢詩  
裹茶閒就語碧澗汲  
軍持

得家衡玉觀察信同仲模  
梵感而有作

西笑頻年望好音  
爭知消息似而今  
移家金筑貧  
多累羈旅青門病  
又深子弟難空紈  
袴習交游徒  
繫別離心  
蕭蕭風雨聯珠夜  
便擬相攜夢裏尋

和成嘯崖明經夢游清涼之作  
卽送北上

江郭重岡三伏天  
篋簾出火妨宵眠  
露坐朦朧欲  
達曙清風兩腋生  
冷然笑覺胡床高  
步步鵬鵬騰

駕千峯巔偶值迴颺一吹轉仍來自下古城邊梅  
梁樟柱失遺趾落星覆舟存故壘橋欹朱雀場烏  
蠻閣燼昇元灰結綺九曲滄波湮廣池長干煙戶  
剩名里苔斑蘚繡雨花臺漱石穿林功德水還看  
金碧煥初陽旖影幢竿選佛場杉磴松關路紆折  
分明寺額認清涼雜蒔修篁開古木窰脾連綴環  
僧房幽龕燈蓋吐青燄鼻觀依稀聞妙香鐘魚絕  
響無人跡山大隔離吹游客栩栩蘧蘧一欠伸幾  
曾叩齒咽靈液自昔六街踏軟紅而今一室生虛

白逍遙既識向無何襤襪應嗤觸炎赫君方盛年  
富才藻性情未合耽枯槁便請春明與計借囊書  
再就長安道玉堂秘署地深嚴拾級從容陟蓬島  
仙境人間非渺茫好憑冰雪在襟抱

永慶禪院看牡丹因簡朝宗上人

路近山橋駐小車尋春步入老僧家疑逢方丈曼  
陀雨開徧階墀富貴花午景亭亭添色麗晚風嬾  
嬾轉枝斜手抄種樹書盈篋借讀頻勞爲點茶

是夕大風雨再柬朝公

看花好得及春晴歸路山雲縷縷生瓶浸折枝香  
襲幕簷垂飛雨夜間聲已空色相知無礙幾費澆  
培合有情擬把牛酥煎落蔬禪寮還許就茶鑪

瞻園雜詠

在前明徐武寧故邸西偏

青石一井欄淳熙數行字想當卜築前綆汲不時  
至 普生泉

游魚千萬頭春沼通潮水幾片落花至唼鴨方未  
已 蒲藻池

北眺石城巖南對驪塔影獨立突離塵羣情已引

領最高亭

蒼苔徑三折采椽屋兩架佳客如可留便與同銷

夏竹深處

迎餌無陽鱗臨流祇直鉤機心消已盡寂坐偶披

裘釣艇

的懸射者中宴衍有真樂阿誰挾彈丸露行逐黃

雀射廳

寒梅應著花侵曉問消息半臂誰送來雪中認履

跡梅蹊

三山天外影高擁一樓青日夕橫琴坐心情入渺  
真蓬萊佳處

靈谷寺柬祇上人

叅天松栢翠模糊薜暈苔斑石路紆樂歲叢林餘  
盞飯老僧風調好吟鬚當階振履輕流世所稱  
也接筧通泉自入厨脚力故強還愛惜聊從煙際

指浮圖

四月八日棲霞訪墨上人

偶因佛日到香林丈室留談愜道心大草數行懷

素帖孤凰一操頰師琴簷端翠積藤蘿古樹杪雲  
歸洞壑陰遠送橋南勞策杖沿溪路指白門深

和金香林郡丞論奕二首

閒情聊可寄楸枰水閣簾櫳夏簟清一訣得來惟  
自守憑他賭郡取宣城

已拋戲局向江濱舊譜都難記憶真負性未甘降  
國手心機自分不如人

輞水問津圖爲王千波中翰作

詩讀輞川集心愛淪漣水別業果堪營聞閒好料

理

家住華山畿藍田通古路穿林曲澗流屢作褰衣  
渡

歛湖華子岡遺蹟都如故鹿苑寺中來前身當一  
悟

二十八硯歌贈衛叟振鐘

曉夢列侯族姓石紆青拖紫爭迎揖身材長短肩  
參差骨格清寒面古色奚童走報衛處士到門一  
擔羃文綺琉璃之匣雜旗檀便與安排支棊几何

年泊向端谿隈上下中岩選研材濶狹方圓隨意  
取寸圭尺璧堆琪瑰攜歸手撫小磨礮各就本質  
無雷同一時藝士文人俱咋舌直疑二十八宿羅  
胸中窺我生平抱硯癖舊蓄青花蕉葉白斗墨狂  
飲縱揮灑或恐磨久穿罅隙欲以貽贈還嘖嘖飽  
聞介性絕苞苴眼青深感如鸚鵡不貪爲寶非齟  
齟却憶鳴撓下澗水宦橐蕭然少行李明山石器  
壓輕舟著意收藏今尙爾丹砂爲質翠爲章呼兒  
檢點出巾箱對榻風軒笑相看牕扉坐覺搖精光

惟叟心力聚於硯銘從四角周中央好趁畫長無  
雜事古文爲我說凡將

聞雞

六月一  
日作

啼曉從無爽催人似有心閒來沾宿醉且住睡鄉  
深

寄巨禪師

焦山僧巨超翛然鷗鷺姿午日一識面料知胸有  
詩適遇畫鷁來呵殿擁旌麾攢眉事迎送陽烏墮  
嶺陞吾友王禹卿生平無譽詞逢人誦好句鳥可

復伊誰廣陵鹽估乏繁費防毫釐淮南諸梵刹滅  
却香燈資少年主方丈頗聞力支持山苗量歲入  
完租始及私齋衆日再食諷經无慮飢出家作家  
計辛勤甘若飴向夜就佛火儒書每攤披本性耽  
苦吟點竄墨淋漓建業餘六寺鬻田由羣緇藉口  
度荒歉稽實恣妄爲近者寶華衲爭訟奪川坻雖  
則激勢豪畢竟乖清規安得公數人散布江之湄  
叢林歸領管道在隨所施多引方外交唱酬風雨  
期佳處憑參禪體格儘離奇寄聲枯木堂酷愛痊

鶴碑重看心不厭扁舟待秋颺

高旻寺與如鑒上人

茱萸灣畔繫輕航  
莎岸筠坡步曉涼  
沿路誰傳靈運屐  
嘗茶邀至贊公房  
清池荇藻知魚樂  
滿架圖書染

御香名帖雙鈎平付與永和蠶紙笑深藏

過羅兩峯香葉草堂

言訪羅含宅閒看碧樹秋苔濃如渲染石瘦未雕  
搜經籍先傳秘詩篇老輩投閉門斜照外歌吹滿

揚州

比日孔雩谷招同趙綠萍焦懷谷家雪鴻寓

館小集

七月三日作

交道看閒冷清歡在唱酬連朝逢細雨爽氣入新  
秋棐几尊羹古茅齋竹石幽吾曹如放鶴飲啄且  
羣游

江行

驟雨顛風解放晴驚濤已共午湖平布帆上溯垂  
楊峴一路蟬聲到石城

答袁丈簡齋

老翁觸事輒關心情爲通家子弟深已向文壇容  
北面還從宦海置南針西門調性長存佩千里娛  
人故理琴醫到疎狂真藥石不徒澡雪守良箴

荷塘詩集卷十六

涇陽張五典敘百

戊申九月初四日紀

恩

勅旨遙宣議罰輕感深唯有淚縱橫

君仁敢道臣能直心白端因跡並清  
經爨琴材仍斧斲踏枝鶴夢尙絃聲  
由來愚驕關真性擬徹初終對

聖明

次韻茵亭觀察九日偕幕僚登明遠樓作  
武昌叅佐會南樓節帥來尋居上頭欲問深宵同  
坐月何如清晝好看秋佳辰自合成高詠閒興人  
傳慣雅游碧港鳩茲層榭敞公餘攜客對江鷗

烏江廟

拔山真有力識字詎無文炬散阿房賄鋒爭赤幟  
軍江郊空壁壘渡口自風雲來往魂應在長偕舊  
鄭君

隨園雅集圖爲袁簡齋題

太原公子王晉卿金粟道人顧仲瑛水石蕭森在  
戶牖賓朋招攜來俊英都向蘭亭借粉本要將蹤  
跡傳丹青六朝人士聚建業屐裙游燕當承平儒  
雅風流競作達華館幽墅羅重城屢更滄桑歷浩  
劫一一故趾埋荒荆小倉山麓歸然在天其有意  
貽先生遂初賦就抽身早魚袋何似芑鞋輕登高  
張璠振林樾煙霞搖影飛泉清全家移住真得計  
墨瀋漲池書滿棚素侶過尋少虛日口無臧否惟

談經賞秋偶與坐蒼蘚忘年忘分兼忘形卽今少

者已白髮

謂慶公似村  
陳公梅岑

老者僊去升青冥

謂沈歸  
愚宗伯

蔣心餘  
太史

雪泥飛鴻印指爪石壁舊題留姓名却怪

著作存大手詩筆百帙編排成卷長不自置一字  
問誰主此壇坫盟還請興來補爲序鼠鬚蠶紙參  
真行脫出風塵致瀟灑聚蚊金谷空雷鳴

荅彭皆山程菽園龍雨樵孟明圃沈閩山

肯將芥蒂著胷中得喪年來亦已空龜卜屈平寧  
汜水雞棲伯厚故如風堪憑歧路分從北忽有松

枝轉向東多謝知交相慰問聯翩書疏託江鴻

次韻荅趙芸菘山長二首

官序應相吏心嫌亦自貽浪傳狂以醉原苦俗難  
醫游屐貧乘暇磨門阻問奇神交煩慰藉一倍觸  
離思

憐才具眼望爲賦短歌行白雪諧商徵青雲附姓  
名蘭陵春酒熟京口野航輕載贄欣相見吾生及  
老成

附原作二首

趙翼

枉顧偏相左瑤編荷見貽官爲強項令詩比  
折肱醫聲氣三生癖江山六代奇何當遠來  
謁各慰十年思

義門猶百忍仕路只孤行自是能持法非關  
好立名賜環 恩命重脫屣宦情輕竚望登  
臺閣丰稜已夙成

家茵亭兄示十七帖並書譜臨本

阿兄官中書行楷兼顏柳京邸舊過從指授亦已  
久別來通尺牘作草祇信手反覆看愈好藏弄防

織垢姑蔑泊秋浦

歷守衛州池州

歲時紀先後省問古赭

圻鈴閣坐風隔

丙午夏燕湖權署

嫩篁檻三折新荷池半

畝政簡事筆硯朱碧交雜粿欵欵說進境晉賢每  
尙友就中逸少蹟初搨無擊陪臨摹過中年得力  
覺獨厚大令且餓隸顛素直穀穀吾聞大草法籀  
篆憑叅取惟期神理足難執形似剖意態視點拂  
變化歸轉紐雲烟曳縹緲蛟螭迅飛走針懸礎屹  
立竹瘠籐枯朽泉注或山安壁月復珠斗譜著孫  
胄曹心解乃脫口評跋太清樓精能誰比偶此冊

石埭言 卷一  
窺秘奧允矣有所有工夫驗淺深示以繭生拇學  
書迄無成慙欲弔剡藪若識罰奚辭數依金谷酒

疊韻寄荅李嗇生學博二首

東道曾爲主官貧缺餉貽詩文商細律藥石抵良  
醫屋小香經久園荒樹頗奇過尋有舊迹風雨至  
今思

猶記邀錢起

謂漑亭進士

衝泥屐笠行分籌同賭量聯

句遞書名塞雁連飛遠江帆翦渡輕閒官堪就我  
後會詎難成

咏古

鄭人於子產終始異其詞美惡豈溢分誰殺誰嗣  
之相業烈如火深衷在救時倘無風雷厲空費雨  
露滋事不迨觀成愚氓焉及知宣聖予以惠原心  
復奚疑

阮籍負雋才偶被太尉知委折應徵辟親故多費  
詞孤行遭窮途一涕洟深悲臧否口不出青白眼  
何爲志氣實宏放好爵焉可縻官廚有良醞欣然  
終就之

雨花臺

梁武致高僧散花滿山曲尺咫故臺城可教天雨  
粟

膳脂井

三閣空聞名一井尙存舊從古界興亾圍城類如  
甃

報恩寺

來登長干塔望見金川門歎息恩無極當年愛長  
孫

三疊韻荅齋生二首

側身從北望珍重美人貽  
創合難忘痛狂來自解  
醫搏風鵬息憩上坂馬  
權奇獎借都非分輕郵  
感遠思

荅書覩縷盡燈暗雜真行  
仕路新顛趾詞場舊噉  
名嘯歌緣性近去就總身  
輕獨愧煙波叟浮家計  
未成

與葛翹圃明府出郭過茶亭  
庵越夕又至同宿

溪月林風一片秋禪扉啟處徑通幽山僧笑客連  
朝至樺燭同君作夜遊支几談深頻啜茗隔簾寒  
重好披裘却思午日京江路暮趁晴霞共放舟

同宋南園葛翹圃兩明府泛舟往返龍潭樓

霞

來往同乘一葉舟居然結伴作閒游坐依清簟如  
鐺脚酒買荒墟出杖頭孤墻東西沾日照亂山向  
背擘雲稠郵程若使無迎送平負江郊百里秋

喜陳岸亭同年至

春初官路指容城別酒秦淮夜其傾尺牘頻傳勞  
遠憶軒車枉過見交情發輕颺鼠千鈞弩息比鯢  
鵬六月程怛惻一心誰得似祁山人誦伐蛟行夏  
祁門有蛟患君奉檄赴  
勘作爲長歌紀其事

贈浦柳愚卽誦賦話新刻並送歸嘉善

屢移講席近南溟未礙洪鐘叩寸莛弟子都成名  
進士先生但作老明經學深東白書中義機息分  
湖水上亭千載賦才歸品隲足教俛首舊精靈

四疊韻荅家芝峯索書

索書亦已屢笑向大方貽偶爾臨初揭猶如得上  
醫煙雲姿縹緲松檜本離奇觸目師資在終年枉  
締思

徧數晉唐蹟書家每抗行古賢多積學藝苑乏虛  
名自覺風塵誤真拋歲月輕寸長何處覓所事舉  
無成

五疊韻蒼毛俟園學博過訪偶話二首

獨解攻吾短高情過餽貽鋌寒膏得淬癩汗玉爲  
醫東野堪稱鷺南村共賞奇罷談仍挽坐倚几正

尋思

世路有夷險坦懷非意行顧瞻惟首尾刻覈豈功名  
雨久蛛絲密風高燕翅輕願憑叅物理羅織與  
生成

書家雪鴻舊畫

橫幅無題識認成黃大癡素交慨相贈

陳望川  
刺史  
絹

新稍滋疑草齋張東壁臥游心自怡祇愛溪山好  
安問作者誰暇日雪髯來諦視欲裂之坐定語其  
故一笑幾脫頤昔在歷下亭正值東巡時

詔旨戒糜費 行殿但茅茨臣民潔除掃塗墜抒  
悃私檢點及屏障義取無聲詩少年試六法丹青  
吮筆爲水石成十日內愧迄今茲髯以畫得名工  
夫無曠期邇來脫常徑屢變亦屢奇譬若涓涓流  
積久陂渺溷又比濯濯柳年深形支離初學務嚴  
緊尺寸守架規技老乃放膽絕不計妍媸天機與  
士氣腕底每交馳容易得流傳暗中有護持我懼  
富春江巖壑看幽姿疊泉響潺湲平岡勢逶迤緹  
黃離老綠煙林鬱參差重到知何日對此寄遠思

一作  
靜思

張松泉明府來自都門卽返阜陽任贈別

護丹

徒人文  
貞公齋

京邸沙堤有舊痕人看風度識文孫年深奏績原  
臣分屏上書名是主恩爭說錦機需熟手已聞  
竹馬出遙村幽亭靈柳閒吟眺好寄新篇向白門

寄荅王西莊光祿

流傳詩筆果清敦並記明廷策萬言櫻蔗久容  
擎紫禁松筠肯遣鎖柴門田間賽社長隨俗江

上迎

鑾屢拜恩春雪橫塘迴夜權賸存細律待深論

六疊韻荅成嘯厓選拔二首

多情及吾季

謂召佩

縞紵屢投貽已信交如石寧聞

過忌醫摩挲分鼎賡整妮貯書奇倒戾應無吝憑  
教寄靜思

論年忝兄事相值每隨行同有清狂興粗分吏隱  
名江蓬擎雨重山屐踏花輕來往經時久題襟集  
欲成

秣陵鎮

佳麗亭頽畢六朝近郊地氣未應消緝黃翠綠沿  
村樹露白葭青過市橋天闕秋空明返照秦淮夕  
漲暗通潮依稀韋杜城南路棖觸鄉心萬里遙

寶華山寺

蘚磴紆迴十里遙寺門幽敞俯江皋  
範金法殿前  
朝旄賜紫名僧還院高靜對

御題叅佛偈清聞山溜和松濤  
戒公池水秋光裏  
欲洗塵心首自搔

書驛舍壁

風來欲二更著樹作秋聲村落沉沉靜星河閃閃  
明敝裘原有綻馴馬且頻驚未了當官事郵亭把  
炬行

送葉星槎別駕歸杭州卽北上

壯年宣力大江濱六度躬逢

玉輦巡唯諾應聲羞和衆升沉信命肯尤人攜家  
上塚西湖上跋馬瞻雲北闕春中路流連重握  
手白門來及柳條新

過簡齋翁不值看芙蓉返

原藉看花問主人應門一笑解留賓不言柳栗出  
山市爲指芙蓉開水濱霽景徐烘增豔麗清霜濃  
染倍丰神扁舟忽憶湘江岸影俯滄波帶白蘋

吳烈婦詩

並敘

桐城吳生某娶於程甫一載病歿氏絕粒殉  
之

龍眠山樹經霜枯月明中夜聞啼鳥翼折窈窕影  
太孤啼聲乍歇烏僵死高枝血染痕模糊

人指舊巢有遺粟七日不會一飯啄烏也自甘作  
枵腹嗚呼拮据事養羞本爲雌雄共食宿

蜀魄含悽爲杜鵑海波精衛銜木填一靈詎作風  
中煙當知和鳴在樹杪韓憑夫婦長聯翩

胡貞女詩 並敘

孝感胡氏文字蕭生篋篋夙孝女歸蕭誓志  
焉

妾本未嫁身甘稱未亾人於禮似過中血性存至  
真壻也扶父柩雪霜越通津哀毀殞逆旅魂魄猶

酸辛訃聞鬢奔喪立孤告宗親系衍安定族風高  
漢江濱譬如仗節士何必是縉紳有名之未造一  
一出成均吾鄉姚四姑實家西樹村

姚爲同里守  
張氏聘妻

貞今垂白所重初約婚巾幘知尙義堪徵風化淳  
致語輜軒使採及楚與秦

七疊韻寄荅王夢樓侍讀二首

次第存書札匆忙失報貽心勞貪徇祿親老學知  
醫調膳三牲備興歌十政奇相期爲稽古吟望每  
長思

春曉欵柴荆停舟卜夜行金函真梵諦玉糝好羹  
名量滿憑臄去身羈羨鳥輕離情何可道節物已  
西成

八疊韻謝家雪鴻抄續集二首

筆墨適相累譏談差免貽所耽從僻性似病得中  
醫禪座聞香妙兵家出計奇會心難上手終是乏  
才思

何以酬高雅當爲載酒行卽今徵古法因簡得狂  
名霜樹流丹遠風蘋捲綠輕秦淮共秋泛隨意權

歌成

蔡小癡歸自嘉禾

一枝鐵筆今王冕五嶽游蹤古尚平絕藝由來自  
珍重雅人到處有逢迎秋清葛井丹沙出潮縮鴛  
湖碧浪輕欲怪歸遲負初絳屐經剝啄向柴荆

寄蘇虛谷學博乞墨竹巨幅

東坡竹本湖州派筆勢長挾風雨快興來槃礴解  
青衫霜縑尚覺十丈隘昨者一冊遠相貽苔蒼石  
瘦墨淋漓分明細寫煙月性題侵畫位數行詩我

原卜築渭川曲好對寒雲千畝綠無端拋却走江  
干借向人家看不足簿書堆裏寄幽懷雜蒔瑣碎  
羅前階未得此君相伴住一色雪壁圍空齋

九疊韻荅王千波峭石寄近作二首

二王有詩筆虛已遠相貽孤竹原存馬桓侯肯笑  
醫體能規雅正說自薄新奇看進竿頭步憑扞別  
後思

喚醒聯床夢乘秋一送行楊椿藏饋果章頤讓題  
名清課朝昏密恬懷得失輕望中華萼集連帙又

垂成

贈泰興莫柄南明府

吏治由來仗文術宰官身是舊經師精堅持論思  
防忌惴惴存心怯入時柴鎮長畱中古蹟孤山聳  
立大江湄一琴清獻鄉前輩彷彿遺音尙可追

十疊韻東邵無恙

邵時銜恤  
儻居石城

君詩有成法老輩爲畱貽

家集有憩樓蓋  
畦兩先生遺藁

脉絡規

泉眼方書本世醫花團貪鬪艷獺祭苦搜奇格調  
難憑問時賢負雋思

縣齋鄰寓舍尺咫易經行同訓應憐惜交情豈利  
名解紛慙計拙脫累望身輕終擬邀仙令

謂葛翹  
國明府

金丹伏火成

次韻答周玉犀副車見贈之作

蠹編空讀十年書養氣功疎一陋儒信指爭知棋  
易負獨行偏訝路何紆溪山緣分依然在文字交  
游可與娛暇擬問君名父子

尊君中翰公令  
弟選拔之桐園林

萬籟聽笙竽

送紀小癡明府之官粵西

曾藻文  
安人

買醉蘇橋別歲陰數行書札竟浮沉輿問舊來  
鍾阜遠宦攜家向桂林經地灘波千里潤宜人雪  
片一冬深旌麾指處南交定

時孫補山制府奉  
命討罪安南

句

漏丹沙正可尋

### 菊兒至自都門

潞水征帆掛曉霏恬風送與雁南飛官齋娛我仍  
陳篋昨者迎寒尙寄衣交舊有書情分好公卿愛  
士古來稀明年京洛遙期汝此意榮於得第歸

### 送周芝挺之任大通

河西支邑米川城花柳春深照眼明自昔人煙雜  
羗俗卽今撫字藉書生羶空饌入源羊美寒早裘  
裁野馬輕借讀惟愁負甌酒縹緗細細載碾沙行

寄文石兄連平

各將薄宦恃爲家老去離居感歲華海曲程途迷  
雁影嶺南信息望梅花抱孫期月啼堪試愛子三  
餘課好加誰道朱明通一綫茅君洞古鎖煙霞相傳

羅浮朱明洞有地  
穴與句曲相通

東霖仙郡丞卽送入 覲

爲語生平醉司馬酒船且繫大江隈計程欲赴三  
千里逐日難消一百杯料理病身需仔細依棲京  
邸莫遲徊洞庭春色濃如許拜闕歸來及早梅

王石長司馬招飲賦謝

尙書退直讌寒宵子弟通家每見招唱和吾曾叅  
末座叅耕君尙在垂髫歡場星散空多感豪氣年  
深總未消繡幕銀燈拚一醉老狂幸得附同僚

梅隅庵孝廉見訪

非公不一至乘興爲談詩難得清狂客恰逢休沐

期盆花烘暖日砌葉捲輕颺往復無常語掀扉欲  
脫頤

次韻荅邵無恙二首

霜濃風峭歲將除清曉乘閒問客居  
陡訝應門童五尺爲言病榻檢方書

詩壇未是解量才名集丹鉛共幾回

時方與吾讀國初諸老詩

近識梅家新格調

隅庵久不作詩比來爲余破戒

圍爐吟賞待君

來

邵無恙見示近詩並有所謝却荅

凄清客况逼殘年存問稀疎意缺然交好記從謀  
面後囊空原自罷官前萬箋素几堆吟稿一縷斜  
陽起爨煙何計送君歸權去樵風穩泛剡溪船

蔡子嘉刺史取別未晤而去聊寄之

君來五日金陵城諸公置酒爭相迎便便腰腹談  
天口酣燕掀颺無晦明偷閒更番問邵子

謂無寓恙

舍清冷如潑水燈焰青熒坐夜深僕馬凍僵語不  
止交情冷暖自古昔平時青眼也能白似此意氣  
所見稀肯將歸計爲擘畫規及契結在文字就我

合謀一廻轡謝客睡鄉入黑甜祇坐應門不解事  
輕帆曉掛溯江流幾度返顧心悠悠須知彼此非  
熱客滿天風雪莫夷猶

次韻和袁簡齋元日詩

除却屠蘇不占先此翁事事若飛仙攜琴石室觀  
滄海曳杖平山躡紫煙

歲前有海州  
廣陵之游

未信刀圭能

益壽肯憑算卜問流年春晴徙倚蓬門外笑指東  
風又放顛

過簡齋疊韻再答一首

詩壇酒社許張先元日新篇玉局仙攬轡縈迴通  
野約穿林蒼茫入寒煙過尋自昔多乘暇酬唱從  
頭再紀年老至仍慙心境雜簿書叢裏寄華顛

疊韻荅簡齋

任是閒忙肯負詩篇終甘苦幾人知過從得與

去聲

高談座評跋曾無溢分辭杼密亂絲齊入扣戰酣  
寸鐵不須持非公容易逢真契憑几頻看點領時

寄王景福文學宜興

三年罨畫溪邊路負手時時作野步春來鄉思亂

無端回首長天渭北樹故人得邑山水隈贊幕邀  
君萬里來廳事訟稀稱臥理賓客聊供談笑耳似  
聞釜餽已生魚爭不彈缺歌無車夜夢家園書滿  
屋繩床趺坐課兒讀尺素報我決歸計遮留半道  
舟應繫秦淮十日飲江樓出水芹芽正新脆

書鍾山書院花木記後因懷盧抱經山長

通經箋疏到蟲魚梨棗多傳善本書成市分明隨  
所在擔囊雜逖憶當初煩公會下留賓榻許我長  
停問字車草木森然皆可敬牕前綠滿肯教除

邀董觀橋太史袁香亭太守葉星槎別駕邵  
無恙明府梅隅庵孝廉小集

春初公事少暮雨小軒清客至無車蓋談深見性  
情爐煙浮碧淺燈蕊落紅輕薄釀難成醉藏來欲  
盡傾

題家雪舫觀察公慎獨遺照

憶昔三山官閣中几杖晨夕陪我公修髯颯颯目  
炯炯年已周甲顏如童有時小步窺牕櫺焚香寂  
坐當書檠看心分明一止水衾影無慙塵慮空甘

焦十丈花正紅滿園積雪日曛曛歲月飄忽天南

北清宵魂夢猶相通袁江千里來春鴻寄以畫像

隨詩筒

竹軒郡守

令我感歎不能已南坪遺集光熊熊

善談名理無理障於宋真有程朱風龍泉秘藏星

屢終寶氣直干牛斗宮邇來始得脫石匣好印萬

本傳江東

去秋松園監司以公詩集舊爲有司搜繳磨勘奉檄並無違礙應聽流傳命子

壽承詣康茂園方伯得請攜歸如臯

吁嗟前賢道力充脉脉方寸盈

若冲故多治績在閩粵丹誠久已契 宸衷

過王夢樓侍讀二首

又設尊絲筍脯筵醴楚楚出嬋娟色空空色叅  
能了應笑枯禪未是禪

貝葉書宜對美人憑看妙悟破微塵置樽特爲陶  
元亮蓮社分明有後身

常州過李梧陽太史村居

爲失荀文若

謂公長孫  
青翰茂才

驅車問朗陵達觀無罣礙

遺蹟祇緘滕風嘯虛牕竹春融古硯冰眞看多道  
氣離恨豁填膺

枉寄憑何客浮沉已可知便看成麗句并與寫烏

絲袁浦挑燈夜  
閩山鬪茗時  
神明只如舊  
底用嘆  
年衰

訪趙耘松觀察里居知去維揚矣

過尋又相左  
會面定何期  
人在梅花閣  
門臨洗硯池  
篷牕翻大集  
棐几對深卮  
一片空明裏  
林巒夕照時

惠山寺

攜將陽羨茗  
來就惠山泉  
老衲歡迎客  
前遊話隔年  
鳴風松謾謾  
濯露竹娟娟  
肝肺如冰玉  
清光自

炯然

長洲晤葛翹圃明府

大江南北片帆風

翹圃舊  
宰六合

來往長教笑語同宦跡

遷移看乍遠離懷爾我悵何窮  
新齋下榻宜聽雨  
小飲呼兒爲擷菘此景依然如曩昔  
相逢忘却是

吳中

與吳江龍雨樵震澤孟明圃兩明府比日相

借別於虎邱

知我乘春吳會來連檣便過太湖隈  
笑談抵掌無

晨夜書札經年數往迴蕭寺煙深敲竹合山塘晚  
霽亂花開沈醺爲怕銷魂別滿引燈前漱澀杯

送曾生彬相歸南昌

實符郡丞之孫實符嘗  
宰臺灣以事陷獄先觀

察爲理出之蒙  
任上元右遷蘇州丞

恩

廉吏誰言不可爲子孫清白好留貽范喬撫硯長  
含淚王顓藏書已散賞江上名花存舊植海邊苦

霧記初披交情三世難揮手絮語聊憑酒一卮

晤朱明府

震

因寄懷尊公次封太守

濬靈州  
人嘗守

嘉  
定

尊君卓卓鄉前輩識而夷門別晉陽篇什薛岑官  
况味唐人薛能岑參俱爲嘉州刺史屐筇泉石老徜徉來看黃海  
閒乘興迴憶鴛湖便趣裝雲白山青春萬里離心  
根觸十年長

書近稟後二首

慣作微吟是性真也知無補損精神五年光景詩  
三卷宦橐江南未覺貧

無多才調可憐生知分羞言萬戶輕却費天公成  
就力不教官職折詩名

戲東隨園翁

并引

翁晝夢老衲來約二月二十二日赴會諾而  
去一羽士進揖曰約既定不可爽也覺則徧  
告家人且笑曰至期當撒手長往耳諸知交  
聞者先後詣問良然二十三日平明余遣飛  
騎省之還報無恙因寄二絕句并邀觀橋隅  
庵嘯崖紆亭香亭同作

夢中二客原知路數過花朝七日來爭說前言戲  
之耳天留清淺看蓬萊

蓬萊清淺果何時狡獪神仙亦戲詞徐市多應向西笑拍天波浪阻歸期

雨中邵無恙至得葛二翹圃來書

三泖湖邊放櫂迴便看屐齒破蒼苔果然舊雨關心切到得荒齋笑口開蹤跡萍蓬誰自主癡頑魚鳥也應咄咄素交移住胥江上中路逢君寄問來

答錢漑亭廣文

異人手著異書成江左相逢爲眼明官秩高閒秦博士文章偉麗漢西京同僚故是關緣分結契還

因取性情走入風塵空失學除壇尚許共詩盟

和漑亭病目

雜說分明盡刷梳心依盲史作相於

近著春秋三傳釋疑瞳

驢何取真如電罅隙能通自照書古鏡懸崖經蘚  
蝕輕雲蔽月待風除垂青終是憐交舊老阮雖狂  
肯棄子

示菊男二首

文章曹植富波瀾湖海韓蘇得大觀納盡涓流千  
萬派泥沙不滓練光寒

格調休言減性靈好添花草準龍經大家自剖藩  
籬出比似真仙解鍊形

第五

甲